

溫州府圖書館藏

雪蕉吟詩鈔

補編 卅鐵餘集殘稿

光緒甲辰 門人翁錫磨書

雪蕉齋詩鈔補編

永嘉 仲蘭王德馨

題虬髯客看紅拂梳頭圖

對客梳頭不下簾。綠蛾眉映赤虬髯。怪他意態粗豪甚。獨踞胡床不避嫌。

公子翩翩忽褐裘。憐卿未免悔輕投。自家夫婿雖云美。已落人間第二流。

荳腐

列鼎鳴鐘輩誰知。此味真素餐應有客骨鯁。更何人淡泊。心堪見鹽梅事未陳。白憐迂腐甚孰復聘儒珍。

贈張岐生 起鳳

一識荆州願弗違。交遊差喜借餘輝。不才似我天何忌。知已如君世亦稀。共惜年華方壯盛。相逢時節正芳菲。久推聲價文章重。鸞鷲當年繞夢飛。

周藕農夫子葬日哭之以詩 時有外夷之警

寇氛擾擾逼江津。料得泉臺亦怒瞋。入土真如生避亂。治喪恰是舊安貧。骨雖朽去名終在。身已埋時氣未伸。腸斷青楓江上樹。西風落葉奠詩人。

二月望夜在友人席上作

自矜杜牧擅風流。小小相逢乍掩羞。妓蘇人艷於花春滿

面鏡清如水。月當頭光搖銀燭低。吳語風動珠簾起。越謳笑我十年曾夢覺。衣香釵影又勾留。

春日遣懷

十里濃陰和野烟。一家車馬少喧闐。牡丹院落春如海。燕子房櫳日似年。松下楸枰小戰。國中蝴蝶大遊仙。居常行樂能無負。也算桃源一洞天。

李養山 正培 招飲

易筮同人利斷金。如君降格許推襟。塵談唱和消長晝。鯨飲叨陪愜素心。但覺樽前難話別。渾忘琴曲是知音。喜予此後來相訪。卽是深山却不深。園亭額曰卽是深山

送周荔腴 含萬邑辛

三年仙鳥駐甌東。儒吏真堪繼謝公。來日一邦沾化雨。去時兩袖有清風。人攀宮柳千條綠。我愛甘棠滿樹紅。爲記相迎騎竹馬。此情難說是兒童。

潘丹生表弟四十索詩

逢花逢月便勾留。彈指光陰四十秋。夜雨聯床欣共話。春風並馬憶同遊。溫郎綺語何曾損。杜牧狂名竟不收。今日祝君還自祝。大家齊掃舊閒愁。

索趙耕雲畫蘭

記得湘江別恨多。夕陽渺渺水微波。憑君畫出相思意。蕙

質蘭心近若何。

題陳承恩小傳 爲雨谷老人作

嗟君何薄祜。逝世正中年。少婦紅顏淚。衰翁白髮顛。家緣撇鷄犬。去路渺雲烟。讀罷一篇傳。教予涕泫然。

題括蒼女校書蔗香小影 并序

蔗香與余未一面。偶見余題孟居仁扇端詩。遂以其自畫羅浮清夢小影附詩一首。託蘭溪柳菊生乞題。余見蔗香長身玉立。仙骨珊珊。倚樹凝妝。拈花微笑。夫孰知其非羅浮人化身也。率題三絕。真未免唐突西施也。

新詩傳到費吟哦。一幅畫徽意若何。從此倏牽魂夢去。月  
明林下影婆娑。

繪出羅浮夢境奇。一重夢案耐人思。幾回惆悵人間世。又  
是參橫月落時。

天際人從畫裏求。此中便不負風流。問卿知否相思意。明  
月梅花借夢遊。

春感

春來情緒太纏綿。看取春光絕可憐。溪水綠生新雨後。桃  
花紅到夕陽邊。有懷易惹芳時恨。別夢難尋舊日緣。如此  
韶華如此感。教人怎得不淒然。

讀那尊清如王公勸辦團練示

禦寇何憂兵不敷。合頒團練計非迂。犁鋤戶戶籌軍器。婦  
女家家識陣圖。蛇首尾形須各應。蟻君臣義合同扶。果存  
衆協成城志。定見么麼盡伏誅。

聽笙山館卽事

莫謂蝸廬小。仙居近上流。依然小赤壁。疑是古丹邱。竹筥  
泉穿竈。松窗月瞰樓。此間無不足。香草遍巖陬。

偶成

一林脩竹一房山。牽得詩情日不閒。幾度沉吟思頗苦。兒

童背面笑癡頑。

次韻答余心農

思誠

酒酣拔劍有王郎，贈句何事君心喜欲狂。此意定知難自解，有緣真使兩相忘。雨添春水情方溢，月照秋花色有光。自是雅懷端不負，相期直到鬢毛蒼。

感時事

咸豐辛酉

已是狼烟處處焚，長官玩寇竟無聞。一城驚聽風聲哭，百里虛傳露布文。軒霍冠猴何袞袞，野狐社鼠自紛紛。不知誰作嫖姚將，尅日能收汗馬勲。

送友人別

折柳上河橋，送君千里外。明年春草長，何處復相會。

園花爲風雨所敗

薄命花真不自由，妒花風雨有何讐。乍開從未經人賞，已落還教付水流。逐客傷春憐遠道，美人含淚下層樓。今宵啼鴂聲聲苦，爲擬哀詞吊玉鈎。

竹夫人

鱗眼暑夕熱難當，賴爾能分竟體涼。斯寢乃安真有伴，太常不忌笑何狂。定知瀟灑侯堪壻，合配圓通士作郎。但恐恩隨紈扇替，秋風冷落守空房。

生來體骨本瓏玲，冷眼看人亦自青。桃葉爲鄰原不妒，柳枝相伴欲忘形。拋卿未免秋閨怨，喚我何曾春夢醒。莫道

此君饒勁節也來夜夜侍帷屏  
曾借妃子住瀟湘家世清涼澤最長終夜無言疑有恨多  
年不笑得非莊君稱或問平安信婢學須描雅淡妝底事  
肌膚似冰雪虛心原少熱心腸

金錢豹

却笑斑文箇箇團惹他皮相太無端若非遍體金錢樣定  
作村牛一例看

僑居杭州答柳菊生 純炳

盥讀瓊章意與留西冷風景最宜秋人推杜甫爲詩史天  
派劉伶作醉侯萬里雲程期桂窟一燈夜雨話杭州知君

豪氣還如故好上元龍百尺樓

見秋風起寄姬人

颯颯西風作意吹一時感觸兩心知抱衾從此須防冷煮  
字如今莫瘖飢紈扇恩深寧棄早鱸魚興在豈歸遲者番  
不必寒衣寄月滿中秋是到時

懷陳丹香 芬 時拘吏舍

櫟陽邑宰好矜能逮繫書生恐不應泣玉卞和難自剖受  
金江令究何憑誰將鍛羽憐笏鳳我爲興讒刺棘蠅無奈  
君門深萬里浮雲蔽日正層層

追悼

斷絃重把舊琴張。彈罷離鸞黯自傷。人是有情偏薄命。我常多淚爲柔腸。空階尙認蓮花跡。遺掛猶留柏子香。只是幽明消息隔。泉臺眠食可如常。

自題齋壁

却喜鷓鴣借一枝。隨時隨遇有相宜。嵇康性懶惟耽酒。潘岳閒居詎廢詩。客至清談常坐久。夜長獨宿故眠遲。近來悟得安心法。但看輸贏不着棋。

寄孟春源

居仁

百花過盡綠陰酣。寂寞深山結一菴。記得當時好烟景。雛鶯新柳畫江南。

贈張二箴 銘

二箴係文忠公裔孫時重校公所著

諭對錄等書

苦心檢得舊琳瑯。隻義單詞細校量。重使表章光日月。頓教墜緒振微茫。父書我愧徒能讀。祖典君真數不忘。莫道區區此家乘。千秋國史並留芳。

送陳雨亭

玉 赴粵東

早春天氣事南程。此去長途恰有情。笏竹繞城遊興好。梅花沿路旅懷清。詩編百粵多奇句。硯選端溪有定評。我更勸君莫回首。好從絕域取功名。

春寒



簾幙晝陰陰春寒尙不禁酒杯難放手花事倍關心裘典  
還思贖爐燻未任沈笑儂無好夢亦自戀重衾

秋夜聞笛

萬籟風停寂不鳴碧天如水月尤明笛於夜半聲初起人  
到秋深感易生蘆管雜來難辨調梅花吹落不勝情無端  
惹得閒愁思添卻頭顱白幾莖

九月廿日述感

時秋闈報罷

王郎酒後起悲歌搔首青天喚奈何司馬凌雲空有賦魯  
陽逐日竟無戈忽紅樹葉經霜早漸白髭鬚似雪多嘆息  
男兒成底事秋風容易感蹉跎

悶遣

世網羅難脫妖氛煽未停髮根愁易白衫色老猶青劍缺  
龍空吼書殘蠹不靈自憐浪踪跡天地一浮萍

咏懷寄紫峯道人

潦倒頻年氣不伸秀才還是老頭巾棲遲塵土三間屋慚  
愧乾坤七尺身夢裏蝶周猶未醒人生茵溷豈無因近來  
懺悔從前事夜夜焚香禮玉宸

近日

近日幾無事可爲浮衣寄食五旬時想登雲已多迷路欲  
買山猶未辦費縱有文章難報國別無表見且吟詩男

兒到此直堪歎。既負子親，又負師。

過吳信輿 培德 村居

水曲山回地自偏，桃源風景尚依然。  
團人聚三間屋，辛苦躬耕二頃田。  
客至喜無食，肉相酒空恃有賣。  
文錢年來謝絕公卿輩，門外紅塵更不牽。

大雪寄曾蒼雪 詠春

漫天飛絮白，渾渾欲訪君。  
攜酒一樽料得高人高，臥處梅花滿屋冷詩魂。

別婦柩出門 繼室葉氏

不是尋常一別離，事無可奈只心知。  
枉教我向澆杯酒，無復卿爲烹伏雌。  
客夢縱能雙比翼，別容難覩一低眉。  
自將裘葛開箱檢，遲寄征衣更有誰。

客樓書懷

關河迢遞思悠悠，風景他鄉易惹愁。  
夜靜濤聲來枕上，秋晴山影落牆頭。  
客貧何暇將家計，儒腐偏多爲國憂。  
我 是荆州舊王粲，十年猶自嘆依劉。

通州道中

半避癡風半向陽，結廬盡是傍垂楊。  
炊粱日日供行旅，搏土家家少蓋藏。  
耕地無牛須馬代，力田有婦替夫忙。  
想他預備冬天冷，多種棉花遍野莊。

杭州逢殷鶴亭 壽圖

去年曾記客燕城。豪氣知君尚未平。萬里雲霄期鶚薦。三生烟水訂鷗盟。自從江合賦成別。無奈劉蕢淚各傾。今日西泠重聚首。一燈話舊倍關情。

桐江舟中望月憶家

愁人不寐數更籌。如此良宵竟浪遊。千里睽違共明月。百年荏苒幾中秋。關山客路嗟無定。兒女鄉風話未休。料得故園今夜宴。燈前白盡老親頭。

甬江旅邸寄家人

客途風雨幾經旬。潦草鶯花不算春。忽忽頭顱生白髮。勞

勞腳跡遍紅塵。問心蘇武終還漢。歸計商山欲避秦。但得他年偕隱願。鹿車共挽莫嫌貧。時因公被累出外

歸興

十年踪跡似浮鷗。南北東西倏去留。所遇人誰歌適館。將歸我欲賦登樓。客途未免馳驅苦。陸處庶無風浪憂。回首故山猿鶴在。不妨憔悴老菟裘。

不行我志盍歸乎。漫笑謀身計太迂。老少可堪人異好。馬牛一任世頻呼。衣冠終日謝生客。粗糲百年供腐儒。自斷此生無大事。從今只好學糊塗。

心期只在白雲鄉。消得壺中日月長。新學葫蘆羞照樣。舊

裝傀儡懶登場本來面目蛇無足分外營求蟹有腸我是  
鍾山舊隱士漁樵耕牧任商量

性情懶與俗相同放曠居然魏晉風身世且拋杯酒外功  
名已付局棋中脫離塵網心才快頽敝儒冠氣尚雄從此  
窮通皆識破無勞前路問蒼穹

醉眠

醉倒昏昏盡日眠希夷真覺自全天豈邀紫綬始爲貴便  
謫紅塵也算仙世亂何關吾輩事君明會見中興年卽  
今高枕談何易去歲兵戈正蔓延

過曾曼琴夫子墓

廬墓三年未釋懷高風千古愧吾儕枉教淚向墳頭灑如  
此才偏地下埋一徑楸梧詩骨冷半生衣鉢夢魂乖精靈  
自有遺編在百卷猶藏塔硯齋先生齋名

農父

一醉打翻老瓦盤夜來驚聽雨潺湲天明叱犢出門去自  
負犁鋤隨後跟

樵夫

兩隻芒鞋一把斧樵夫夕陽聚而語將柴收拾早擔歸遲  
恐深山有老虎

縱筆

自笑蓬萊謫降身卅年遊戲走風塵  
流連竹葉杯中物管領桃花扇底人  
一味性靈狂莫諱三分骨格兀難馴  
生來不作寒酸氣舌有風雷筆有神

別具性情自一家譜琴調鶴作生涯  
每憐好夜邀明月爲惜殘春哭落花  
搜句別開新世界擁書排遣好年華  
笑他抵死爭名利蝸角蠅頭計總差

過邵氏家園有感

幾年怕向沈園窺今日重來淚忽滋  
雛鳥巢邊憐稚子名花落處悼亡姬  
始知圓月無多日其奈浮漚有散時  
獨坐孤帷倍惆悵蕭蕭潘鬢已如絲

咏桃花爲友人作

人面初從一笑迎含烟帶雨認分明  
渡頭作別偏憐我洞口相逢欲喚卿  
難得美人兼艷福可知生少有濃情  
春深漫抱無言恨記取崔郎舊日盟

新秋感懷

又是西風北雁飛秋容無復景芳菲  
澄清天宇雲初斂蕭瑟園林葉漸稀  
心事候蟲多感觸光陰旅燕尙因依  
自憐髀肉消磨盡回首英雄計已非

重遊紫霄觀

昔時讀書處重到扣松關紅半窗前  
樹青仍門外山獨尋

丹竈畔空與白雲還不見道人跡相思舊日顏

閒居

依然歸夢落江湖。賦罷閒居興亦孤。病爲庸醫延日子。學  
因多累欠工夫。新愁借酒朝朝醉。往事如棋着着輸。若問  
窮經安所用。那禁兩脚誚書廚。

自題紅梅

畫梅以色肖諒爲識者誚中有鐵石心妙筆不能到

題葉萼仙 芝壽山齋

小築傍山邊。林泉景異常。竹秋風更響。梅夜月俱香。招隱  
詩成癖。謫仙酒放顛。知君天趣足。世事漫相妨。

我來

我來人世豈無緣。何肉周妻敢遽捐。免俗未能聊復爾。讀  
書有會便欣然。恩承雨露終難忘。辱在泥塗祇自憐。識得  
和光老子意。胸中冰炭免拘牽。

答陳我蘭 體芳

閒坐書窗養睡魔。老來無計補蹉跎。新歡縞紵投時輩。舊  
曲霓裳譜大羅。愧我窮愁知己少。羨君著述等身多。豐華  
曾覩陳平貌也。復鬢鬢四十過。

退步

身非退步不能容。退後方知味愈濃。咬菜自甘強食肉。騎

驢怕跌且扶筇。專房未必蛾眉福。薦士何須狗監逢。試向  
碧桃紅杏後。安排江上看芙蓉。

菊花和郭外峯鍾岳司馬上平十五韻

連番細雨又斜風。人到秋深感不窮。讀得新詩吟晚菊。半  
生心事却相同。

我無媚俗好姿容。知己平生歎罕逢。惟有花稱霜下傑。獨  
撐傲骨恰如儂。

與花相對不相降。夜靜燈前鬥蕊雙。豈耐苦吟身似我。一  
生瘦影落書窗。

只此紅黃放幾枝。故園便覺繫人思。一官彭澤飄然去。陶

令當年卻爲誰

年來我亦倦遊歸。宅畔荒園未盡非。肯負賞花好時節。新

霜天氣雁初飛

繁華我是夢醒餘。幾度花開只索居。未免對花三歎息。年  
年秋雨病相如。

種花長願作花奴。猶恐花高不我俱。寄語山中老處士。懷  
芳有志那嫌孤。

畫中猶認舊時題。棣萼花殘日已西。閒坐小齋人不見。一

籬秋草泣莎雞

余兄孟棠善畫  
此花今已逝世

栽花位置要安排。半倚籬邊半水涯。若與時花爭要地。兩

般吏隱恐難諧

頭插花枝手舉杯秋深懷抱爲花開問君醉倒花叢裏此  
是人生第幾回

試看紅紫鬪芳辰盡仰栽培雨露新始信高人高絕俗何  
曾點滴受陽春

簾捲西風怯對君強扶殘醉倚斜曛秋來莫道花容瘦人  
比花還瘦幾分

凌雲社散不堪論程趙風流無復存今日更誰繼雅玷淒

涼菊影倍消魂

前輩高博泉結凌雲社菊花時置燈取影  
同人程養齋趙灌松輩賦詩唱和劇爲

一卷離騷眼倦看閉門終日耐飢寒主人不管餓糧絕拾

得秋英供夕餐

小草頻年不出山山中十畝自閒閒自從種得斯花後穠

李天桃一例刪

贈李肇岐姜燮之兩同學

端的好樓居仙人樂有餘靜消無事福快讀等身書留飯  
不嫌客論文能啟予卽今新發軔愧煞不材樗

悔煞

悔煞當時不惜陰蹉跎已失萬黃金許身事業頭空白行  
路艱難突幾黔國有大仇看匣劍世無同調且囊琴而今  
坐廢英雄老夜夜唐衢淚滿襟



余每日申時就寢至二更後復起盥濯便通夕不眠  
竟至成例笑賦一律

詩不參禪酒不魔笑儂事事脫常科早眠熟處竟成例春  
夢醒時不待婆萬事悟從燈燼後一生消受月殘多誰言  
枕上爲文好坐把新詩自細哦

望雁山

行過四十九盤嶺一望烟雲了不遮世界三千藏芥子峯  
巒百二現蓮花披來妙畫摩荆浩飲得新茶屬阮家我與  
山靈有深契此遊定不受掄挪

抱兒峯

世人多累苦相讎舐犢何須笑老牛頑石也填兒女債可  
憐抱到幾時休

卓筆峯

卓然獨立白雲間絕地通天若等閒始信世間大手筆古  
來多半屬名山

張桐侯

志瑛

東山別業

地擅東山勝幽居最羨君水窗多占月山閣半遮雲得句  
鳥相和藏書花自薰笑儂情漸熟日日狎鷗羣

哭張黻卿

正綬  
茂才

如此才華正妙年豈期一夢遽遊仙生承墨綬風猶在死

抱青雲志尙堅時將赴省試我爲故交應慟哭君辭老母竟長眠不知造物心何酷塊肉猶慳趙氏延

風襟月珮想依稀仙骨珊珊是也非蝴蝶夢回莊叟化芙蓉花發石郎歸迢遙旅櫬魂應戀尊甫靈柩尙寄在粵寂寞春暉願

已違不獨前程辜夙望區區僅博一衿微

停春隣里也唏吁三代通家況似吾文字有緣偏易散聰

明得福本來無可憐身已懸如贅何苦天猶派作儒我欲

上書翻此案卻愁閻老太糊塗

竟無丹藥駐流年華屋山邱總泫然天爲憐才亡李賀人

因絕調感成連空懷王翰卜鄰願怕讀張華勵志篇聞說

三生知果否茫茫去路總雲烟臨沒自言後身事

和林琴漁元旦之作

飲罷屠蘇客賀年老來畢竟得春先縱驚鬢髮俱如雪敢

道文章不值錢末路英雄心未已大家兒女債難填羨君

清絕蘆簾底好把雙聲自著篇原註第六語係內人屬對

遊仙巖寺贈壽石上人

自攜竹杖訪名山山裏精藍一叩關詩句君除蔬筍氣屐

痕我印蘚苔斑雷潭共上穿雲去梅瀑相看帶月還却愛

先人遺跡在古碑別讀未曾閒寺係先世方伯賜谷公構造

重過梅雨潭

昨夜雨滂沱潭深雨更多懸流盪風日飛沫溼松蘿遊跡  
懷前度流年感逝波夕陽下西崦一路聽樵歌

遣懷

心甯格律苦參禪身自逍遙別著篇出世一場蝴蝶夢遊  
仙到處海棠顛難憑詩好傳身後且喜花開在眼前倘負  
卽時一杯酒待澆墳土總徒然

送次兒朝瑞秋試

秋風桂子踏槐忙汝亦隨觀上國光魚向龍門爭變化馬  
來燕市試騰驥功名此日期千里弧矢當年志四方記取  
菊花時節近倚閭不獨盼歸裝

胸襟

海大川能納天空月照臨縱橫三萬里開拓此胸襟

論詩

醞釀雖從萬卷書却於真味不關渠笑他食古不能化老  
死書中一蠹魚

樹章酌句苦難安禁體爲詩嘔血乾比擬盤花太拘束雕  
紅刻翠不禁看

張良

蒞醢何紛紛皆係功高故始知赤松遊英雄好退步

揚雄

三世不遷官大夫誠異數不知莽誤君抑係君自誤

題山水障子

四圍竹樹綠交加一桁青山夕照斜我是滄江鷗鷺侶  
年春水泛桃花

秋思

獨坐西窗下三更尙未眠偶開窗一望殘月正當前楊柳  
風枝弱芙蓉露朶鮮此時清不寐秋思浩無邊

秋日小園

行藏不出水雲鄉竹杖芒鞋是散仙始識山林真趣味人  
間別有一重天

草花種種上欄干對此方知士不寒坐享一場秋富貴玉  
簪金盞錦鷄冠

秋花

春花閱盡夢初驚賸得看花雙眼明莫笑過時無好景須  
知晚遇有餘榮美人顏色多遲暮名士文章漸老成開到  
一枝枝正艷夕陽紅處最關情

每夜

格求平穩句爭奇幼喜吟哦老不疲每夜夜深人靜後重  
挑燈起細敲詩

七十元旦試筆

行年七十尙精神飲到屠蘇歲又春  
歷盡歡場歸夢境逢盛世作詩人  
放翁北定忘懷久莊叟南華論物新  
一笑梅花香滿屋巡簷却喜日相親

藥物

近來須藥物似覺病相尋  
哭友頻垂淚耽詩枉用心  
風霜筋力倦歲月鬢華侵  
尙念無窮事宜從扁鵲針

社日偶書

老境桑榆倚夕曛倦於歸鳥懶於雲  
今朝怕飲治醵酒世事年來實厭聞

附錄試帖

賦得王郎酒酣拔劍斫地歌莫哀

得哀字

磊落奇男子狂歌且莫哀  
酒酣常耳熱劍拔肯心灰  
持手剛三尺探喉恰一回  
英雄將用武廊廟正需才  
我自澆胸待人當和曲來擊  
壺真慷慨彈鋏漫徘徊  
所遇尤奇絕其懷亦壯哉

聖朝崇簡擢杞梓願呈材

賦得萬邦稱賀我陶唐

得邦字

帝運陶唐世衣冠集萬邦人從

虞陛列俗想冀方厯

聖德龍飛啟臣儀虎拜降威遵時定閏萃慶水平降華祝

爭杼悵嵩呼競和腔舞干階備兩委佩  
闕瞻雙山海梯航遠松雲棟牖麗草茅忻

作觀

閩澤溢三江

賦得菊花須插滿頭歸

得花字

一笑塵間世重陽菊又花歸時隨手折插處滿頭加簪重  
添黃雪卮深照紫霞影隨筇竹碎艷壓帽簷斜明日英多  
落流年鬢已華漫將宜稱問且把色香誇携酒曾開徑編  
茅好認家吟秋推小杜晚節信彌嘉

賦得登高能賦

得高字

秋氣來千里吟情下九臯登臨誠慷慨賦筆盡風騷星斗  
捫堪到霓裳詠許叨興將搖岳動首欲問天搔咳唾隨風  
落狂歌斫地豪烟霞供咀嚼冠蓋極遊遨得路青雲迴成  
章白雪高千軍橫掃處揮手謝塵囂

賦得與君約畧說杭州

得州字

自別杭州後頻年憶舊遊語君能約畧記我幾勾留松樹  
千重嶺荷花一度秋壚頭曾醉酒湖上屢停舟捉筆題僧  
壁聽琴上妓樓鷗盟心落落鴻印跡悠悠絮語情難盡瓜  
期歲已周一官匏繫處相憶在蘓州

賦得秋燕已如客

得秋字

一夜西風起征途物亦愁雁來賓有信燕去客難留宿宿  
烏衣冷行行碧海秋綠蕪來路杳紅縷別情稠落葉歸心  
切尋花旅夢休屋梁空落月粉黛老深樓萍跡遊方倦瓜  
期算已周重逢須隔歲待爾上簾鉤

賦得州傍青山縣枕湖 得州字 代作

屈指東南勝杭爲第一州山湖雙點綴郡縣幾勾留松樹  
環城密荷花繞郭周民居依峻鷺官跡近閒鷗鶴去亭羈  
客漁歸市泊舟詩情三竺曉畫意六橋秋鐵券尋遺蹟錢  
塘憶舊遊白公題詠處好景接

瀛洲

附錄

匿 旨擅徵揭 同治元年

夫。本。年。錢。糧。漕。米。皇。上。何。爲。而。豁。免。哉。縣。官。衛。官。郡。守。  
其。知。之。乎。蓋。以。吾。邑。去。秋。八。月。遭。會。匪。竄。擾。後。至。本。年。正  
月。又。被。髮。逆。蹂。躪。斯。時。之。民。有。屋。舍。焚。燒。者。有。耕。種。失。時  
者。有。流。離。奔。竄。而。失。所。歸。者。有。身。被。殺。戮。而。死。無。地。者。此  
情。此。景。眞。有。耳。不。忍。聞。目。不。忍。覩。者。顧。所。不。忍。聞。者。皇  
上。未。及。聞。而。縣。衛。郡。守。已。聞。之。熟。矣。所。不。忍。覩。者。皇。上  
未。及。覩。而。縣。衛。郡。守。已。覩。之。悉。矣。斯。卽。未。有。恩。旨。豁。免  
爲。縣。衛。郡。守。尤。當。詳。請。各。大。憲。藉。達。九。重。乞。賜。恩。恤。

如鄭監門之繪流民圖元道州之咏春陵行才不愧爲民  
司牧不謂吾邑之縣衛郡守不惟不之詳請而且皇上  
已有恩旨豁免猶敢隱匿騰黃擅行徵歛此其忍心剝  
民固不待言且阻王令使不下行而政將自己出嗚呼  
此其心尙可問乎皇上曰錢糧豁免而縣官之徵錢糧  
如故是卽縣官之心無君也皇上曰漕米豁免而衛  
官之徵漕米如故是卽衛官之心無君也皇上曰騰  
黃曉諭而郡守之坐視隱匿不行曉諭是卽郡守之心無  
君也夫縣衛郡守果奉誰之命而爲官顧可以無君  
上乎哉且縣衛郡守而敢于無君上吾儕卽不妨無縣

衛郡守吾儕無縣衛郡守而尙有皇上在上覆載之間  
固自有立身之地縣衛郡守奉皇上之命而來官斯土  
若一旦心無皇上吾不知其何以自立恐雖有其位亦  
僂然不能終日也故自今以後如再敢隱匿騰黃擅行徵  
歛吾儕不妨奉皇上命將催差擊斃以上犯縣衛郡守  
非犯縣衛郡守也蓋所以伸王命也總之今皇上冲  
齡踐祚皇太后垂簾聽政故縣衛郡守敢於弁髦  
王章蔑視綸綍如此吾儕食毛踐土二百餘年爲  
聖人氓苟能起而誅此逆官一伸春秋大義未始非有補  
于名教綱常之萬一是其責則在吾黨



吾邑並海而僻處當鎖港時知識狹隘民氣尤脆弱不  
勝遇長吏貪墨者復利用鄉里豪猾爲之導故往往恣  
睢以饜所欲閭左相與忍受不敢言 仲蘭先生乃獨  
揭守令橫征之罪用是幾罹奇禍夫先生貧士納稅固  
甚微何爲奮起而與墨吏角乎非今所謂犧牲一身謀  
社會之其利者耶昔雪苑侯氏作留都防亂竭力排奄  
孽論者壯之先生是文其亦侯氏志也 歲己酉爲  
今上宣統元年上距同治之初蓋已五十餘年詰嗣廷  
諤茂才出所藏手以觀謹識如右 留庵張之綱

鍼餘集殘稿

永嘉 邵匹蘭

東馬蓮玉女士村居

幽絕村南路雙扉晝亦扃人行穿竹過犬吠隔花聽夜月  
當窗白春山抱室青此間塵不到合自誦金經

糊窗口占

不啻窗前月不同糊窗且喜趁餘功隔簾恰好招花影刺  
繡直堪供唾絨疏爲防風侵處冷薄還待日上來烘嬌兒  
戲把金針刺引得蘭香一線通

送春和外子作

誰家燕子傍簷飛春日遲遲春意遠恨煞年華拚棄擲落花時節送春歸

侵曉東皇返旆旌詩人援筆賦歸程流鶯本是無情物也向窗前啼幾聲

佛手柑分詠

何年佛自西方至今日柑生南海蕃不道化身爲此樹居然見相在祇園拈花一笑應能悟證果三生好共論安得大千人盡種爲他一一指迷悟

讀長慶集

老去香山自在身一篇跳出性情真不知老嫗今何在

亦千秋一解人

買婢以娉婷二字名之戲詠二絕呈外子

隨人學點兩眉青妝罷行行出畫屏爲洗桃紅李白俗蘭閨小字喚娉婷

芳年小少十三齡如玉丰姿似燕身喚作娉婷宜也未曉窗還問畫眉人

示婢

汝到吾家事甚麼吾家細事却無多晨炊竈下輕吹火夜織燈前勤擲梭妝樣趨時仍要儉語聲應客總須和凡諸非分尤宜戒莫學彈絲與唱歌

食墨魚腊

不須椒醬配廚娘異味鮓生我乍嘗若使胸中無點墨那  
能死後尙遺香

花韻

青陽煖氣乍吹嘘處處花開韻有餘鶯囀一林春靜候蝶  
來三徑午晴初夜深紅影搖華燭風暖香塵拂錦車十二  
欄干憑不了枝枝含笑最憐渠

草香

沿隄三月草萋萋香氣朦朧拂處低滿地落花人正靜一  
溪流水路初迷客行晴日薰遊屐馬踏平原逐去蹄最是

阿誰消受慣燕巢銜上和春泥

素心蘭將殘

流水空山地千春不忘盟素心只如此榮落總無驚

閱外子所批蘇詩

讀古人書漫毀譽蘇公才大有誰如當年奇節高千古卽  
此文章亦緒餘

初夏卽事

繞屋扶疎竹樹連綠陰低翬綠窗前此間清絕無塵到自  
蕪名香讀妙蓮

夏夜

晚雷初歇雨初過獨坐蕭齋清若何修竹林深秋氣早白  
蓮花放月明多評量書味爲情適料理琴心與手和牆外  
風來涼更好輕衫何必試新羅

瓶蘭

人性與花甜瓶中幾幹添生憎狂蛺蝶飛入一重簾

樓居曉起

曙光窗眼透玲瓏自起當窻立曉風東望朝陽猶未上一  
天霞影滿樓紅

七夕

翹首遙天星點稀下階欲拜意多違貧中怕乞天孫巧只

爲他人作嫁衣

七月八日生日呈外子

者番飲酒破朱顏私喜今生緣未慳昨夜相逢今夜別誰  
言天上勝人間

亂後過西郊舊居

眼底滄桑事莫疑燒痕空認夕陽時可憐一片煙蕪地都  
是當年華屋基

齋前梅花臘盡未開書此以呈外子

臘月梅花到處開天心特地老奇才傍人莫訝空山寂會  
待春風好奪魁

詠梅

歲歲西湖伴鶴棲孤山三百早開齊此花自愛清高節願  
與林逋作韻妻

老松和外子

蟠虬老幹吼濤聲種自何年數不清願與蔦蘿託終始漫  
將蒲柳比堅貞雪霜操豈經冬變梁棟材堪構厦成若使  
化龍向天去定施霖雨潤蒼生

燕剪

出巢時節及鋒剛掠過花牆又柳塘裁處定啾鳩婦拙試  
來不待雁奴商主人紅縷情休斷子弟烏衣樣未忘最是

春風三月麗雕紅刻翠不勝忙

暮春偶作

懶向東風問柳枝鶯聲啼罷漏聲遲年年情思無聊甚最  
是日長花落時

儂家生性厭繁華自愛幽居水一涯惟有簾前雙燕子春  
深時復到貧家

外子書來問近況作此答之

自將菽水博姑歡怕寄書與遠客看却幸全家似修竹差  
堪日日報平安

男兒志氣與雲齊萬里天涯莫怨睽杜宇原來不解事春

金匱集苑補  
五  
深慎弗聽他啼

小窗

閨中生少學當家鹽米零星度歲華拋却琴書與筆硯小窗久不夢梅花

樓居

高處足優游深閨占一樓遠山明似畫新月小於鉤夜靜添蕭瑟人閒易唱酌此間頗清絕消却幾煩憂

早起

一穗殘燈欲曉天烏聲窗外太纏綿怪他一例催朝起不覺愁人夜未眠

右先妣邵安人近體詩三十二首安人自幼解吟詠年十八歸先子針黹之餘仍不廢此事著有針餘集詩一卷約計詩百餘首安人逝世後歲辛酉髮逆臨城先子率玉兄弟避亂外地稿遂散失痛安人於咸豐庚申時年二十有六卽棄玉兄弟而逝計事先子凡九年歿時玉兄弟僅一五歲一三歲迄今追憶徽音渺不可得卽此數詩亦從柩溪邵岸外家處覓得之恐久之愈就湮沒因附刻於先子詩集後和淚濡毫略叙顛末以誌終天之憾云

光緒廿六年歲次庚子二月

男爾玉謹誌

顯考仲蘭府君行畧

歟疇自我府君出歿訖今十五季矣不獨聲音笑貌渺  
不可追而其孝友之行淵正之孝吕及遯訓軼事足爲  
我子孫灑守者亦兢兢焉恐將或墜朝瑞雖不肖何可  
任其湮沒而弗章也敬畧舉一二無隱無欺吕質諸

大人先生焉府君姓王氏諱德馨字玉才號仲蘭屈永  
嘉縣膺符鄉上田莊先世自二都英橋遷屈至府君已  
七世矣道光戊戌季憲廖尙書按郡試義理爲體季賦  
爲尙書所激賞拔爲縣季生時 大父聯階公得風痺  
疾日在牀蓐府君晝夜扶杖磨八季未嘗離左右乙巳

正月望呂疾甚燔香告天願減算一紀以延親壽禱已  
遂霍然及咸豐甲寅正月望 大父偶沾微疾至夜忽  
哮喘君及諸父至前率摩其頂曰我祿盡矣毋藥我但  
願爾輩讀書報 國守業保家弗忘我言而已語畢而  
逝計時適符一紀人皆曰爲孝感出所致也送事 大  
母潘太安人七十季如一日府君孺慕出情老而彌篤  
嘗乞孫琴西太僕書 大父八字邊訓懸之壁俾晨夕  
見出曰自警也與伯父孟棠公既歿身無相瘡及伯父  
卒從兄肖棠未成立府君眠同已出護持出教誨出必  
嚴必備季長授室猶爲經理家事不倦不自覺其友愛

出篤也府君勇於任事不避嫌怨同治元年季吾郡遭粵  
匪蹂躪 詔豁丁糧縣令陳寶善郡守黃維誥比而  
罔利迺匿贍黃督征益嚴府君作匿 旨擅征揭衆  
和之官民相抗不下者兩閱月守令遂假城捐名悉呂  
所輸實囊橐民苦出而無呂自白府君心竊傷出擬元  
道州賊退示官吏誣屬執友陳君丹香和作守令銜出  
甚中呂他端次冬密逮陳君下獄府君曰獄急南走閩  
北陟薊磨申臺省未白久出藉平邑執友殷心齋大令  
爲言於當道獄始解府君曰公義而賈禍關間山海五  
度寒暑蒙鷄而貞邑出人咸曰此高之府君喜爲誣劣



受外舅祖潘虹橋公教中遊周藕農先生出門先生亟稱賞示呂漢魏呂來諸名家法府君窮蒐冥追唵哦出聲不輟於口少年爲制舉文操紙筆立就直抒所見惟不肯習時趨故七應省試俛薦而終不售家屨不治生產昧爽輒起常誡諸子曰一日出計在於晨爾等讀書習字須於此時功較易進先兄肖蘭體羸多病府君日呂誣導中欲藉呂抒其裹抱復慕古人家庭唱和中正風晨月夕輒招集昆季羣從課誣爲樂最愛蘇誣曾學評蘇誣四十卷補前賢所未發又選誣資勸懲者三百餘首名曰灋戒三百首平生率鈔誣文并經史共二三

百本幾滿一架正嗜酒然甚節飲性復儉樸雖留客不踰四簋又常效顏黃門戒殺生五十八歲時患唇疔徬徨無措夜夢一人曰爾平日持不殺生戒病無傷明日遂已府君時舉呂訓朝瑞府君狀貌魁偉襟衷曠達與人言時雜呂詼諧凡歲時燕會人必問曰某先生在座否亦若無車公不樂者至其臨大是非凜然矩矱人呂是重也知其非無町畦也晚治別業於屋東偏先查有古研一方額曰留研山房旁斥隙地雜蒔蒼竹興至則唵小誣呂自遣布衣草屨時與二三田夫課暉話雨脩然塵埽不復與人間事因自號曰識字農所著有雪蕉

行畧  
三  
齋誣六卷識字農誣話六卷雜著三卷金粟書院課藝  
四卷中惟誣六卷孫琴西太僕爲跋尾已刊行餘匪藁  
於家府君生於嘉慶二十四年十二月初五日午時卒  
於光緒十四年八月十五日丑時春秋七十配吾母太  
安人周氏無出繼配吾母太安人邵氏葉氏生二子長  
朝清次輒朝瑞邑庠生女一適邑庠生吳肇基皆邵太  
安人出也呂光緒十六年閏二月初二日合窆於十三  
都竹輿山中原嗟乎朝瑞無學不能自奮有辜盛德而  
其最爲痛心者府君出逝朝瑞方遠應省試不及親自  
含斂歿天之恨其有極耶伏願當世有道德而能文章

者闔其兌獨頒賜志傳呂老泉壤朝瑞屯屯子孫當咸  
且不休壬寅正月男朝瑞謹述

門人翁錫麟填諱



溫州府圖書館